

《大乘起信論導讀》 補充講表

◎附表二十六：糅合《大乘起信論講義》、《大乘起信論演義》、《大乘起信論述記》

○證發心者，從淨心地，乃至菩薩究竟地。證何境界？所謂真如……名為法身。

※《大乘起信論裂網疏》卷五云：「淨心地者，約權即初歡喜地，約實即初發心住也。」

究竟地者，即十地後心，亦名等覺地也」

※《大乘起信論裂網疏》卷五云：「此菩薩以無分別智者，明其有見分也。證離言說真如

1

法身者，明其無相分也，正與護法唯識脗合。思之！思之！問：若依實說，初發心住即名淨心地者。前發心中，但云：少分見佛法身，今云：證離言說真如法身，文旨碩異，云何會通？答：前為兼明權實，故但云：少分見，今則權證同實故也。又約所證真如，則無分劑。若約能證之智，仍有分滿不同；雖有分滿，皆是無分別智。如初夜月，與望夜月，光相不異也。」

○是菩薩於一念頃，能至十方無餘世界，供養諸佛，請轉法輪……故示所行，亦有差別。

※《大乘起信論裂網疏》卷五云：「未證法身已前，縱令下化眾生，皆是上求佛道；以自利利他種種方便，皆為證會真如體故。已證法身之後，縱令上求佛道，皆為下化眾生，則如今文所明也。種性同等者，具足本有聞熏二種子也。諸根同等者，六處殊勝無差別也。發心同等者，同發三心也。作證同等者，同證真如也。未發心前，容有善根深淺，煩惱厚薄，諸根利鈍，方便勤惰之不同。既發心後，入同生性，無功用道，決無差別。但由眾生根欲性異，出示現有差別耳。言三無數劫者，時無實法，唯依妄想建立。且如俗傳，黃梁一夢，便同四十餘年；世上千年，山中不過七日；又如經中，仙人執善財手，便歷微塵數劫；讚佛五十小劫，大眾謂如半日。是知非約凡情所計年月日時，以談劫量也。良由無始無明，雖無實體；而返迷歸悟，似有階差。縱令演若歇狂，本頭如故，而喘息亦必久久方安。狂風頓息，大海安瀾，而微波亦必久久也定。太陽一出，昏霧

頓收，而潤濕亦必漸漸方除。阿伽一服，萬病頓祛（く口，消除也），而精力亦必漸漸方復。久客到家，行程頓息，而家庭事務，亦必次第料理。聖王登極，大業頓定，而政治禮樂，亦必次第敷陳。故於真如無時劫中，依生滅門而立三無數劫：謂初發心住，至十迴向，名初無數劫；初歡喜地，至七遠行地，名二無數劫；八不動地，至等覺位，名三無數劫。」

※《大乘起信論裂網疏》卷五云：「言根欲性異者，過去所成名根，或有利，或有鈍。現在所欣名欲，或喜速，或喜遲。未來種子名性，或已熟，或未熟也。」

○又是菩薩發心相者，有三種心微細之相……三者、業識心，微細起滅故。

※《大乘起信論裂網疏》卷五云：「真心者，六七二識相應之根本智也。無有分別者，念念證真也。方便心者，六七二識相應之後得智也。任運利他者，念念起用，令前五識同成化用也。業識心者，第八異熟識也。微細起滅者，無明種子猶未盡故。以智內熏，令其漸滅，智種分起，惑種分滅。正所謂不思議變易生死之相

也。此中真心，即是前正直心。此方便心，即前深重、大悲兩心。此業識心，即前三心之根本依。前明信成就發心，單約能發，故三心皆是妙觀察智之功。」

○又是菩薩功德成滿，於色究竟處，示一切世間最高大身。

◆色究竟天，為始教報佛成佛之處，示令小乘知南洲菩提樹下，為化佛成佛處。若約終教實報，在三界外；圓教實報，在華藏世界，然小大融攝，亦通菩提樹下也，色究竟者，為色界頂天。天王身既三萬二千由旬，佛身倍之，故又言最高大身。

○謂以一念相應慧，無明頓盡，名一切種智，自然而有不思議業，能現十方，利益眾生。

◆一念者，正念也，無念也。蓋自信心起此一念觀慧，以觀真如，至住行向地，皆此一念，無有二念；三賢相似相應，十地分證相應，惟十地滿心，一念慧究竟與真如相應，無明頓盡，即無間道。無明不能間隔故，道即慧也，名一切種智者，即解脫道，道即智也。無間道慧屬因，解脫道智屬果。

◆然此色天大化（界內利根），閻浮小化（界內鈍根），並是真如用大，並即真如體相。